

Den besten Andrag, furt un bündig, hit äwver de Beßmenfrierer te O. emachd. Dei siägde: „Alle Wiewes-mensche, witte mit, dänn säged; witte mit ni, dänn is mi auf für linne drei Pännige drann gelägen!“ — Noh veer Wiälen wor de Hochtied. Ose se rei upp dem Wäge noh'r Kärke woren, bliwte de Frieder naumol stump stohn un siägde: „Mälen, wänn't dik mogget,¹ dänn is et nau Died.“ „„Nai, nai, Frieder“,“ reip de Brut, „„kummin ocker, wat sollt de Lüde wul denken!““ — Dormalde taug se'n am Rockärmele widder. Wänn nu nohderhand mol Unfrede im Beßmen-bingerhouse wor, un dat Wiew sik üewer den Mann beklagen woll, dänn siägde de Frieder blous: „Du hift mit jo in den Ghstand etuogen, sie ik Di zunt ni meih gudd genog?“ Dänn wor glief wider Rugge un Frede im House.

Wei wor nu van ollen Triggers de kleufeste?

Jo, et bliewed derbie:

Triggen is tinn Pierdekaup,

Jungens halt de Augen upp! —

Göthselfrogen.

De alle Hannjopek un de Karelfrrie sittet hinger dem warmen Uoven un schmeuket ehre Piepen.

Karelfrrie: „Hannjopek, weiste nix Nigges?“

Hannjopek: „„Nai, alle Junge, äwver wat Allet.““

K.: „Dänn drück' mol laus!“

H.: „Et geiht wat üewer de Brüggen

un hit dat Hous ppp dem Rüggen. Wat is dat?““

K.: „Wänn de widder nix weist, dat is en Schnagel;² dat giiff dinen Enkelsen upp te rooden.“

H.: „Na, dänn wat Nigget:

Et feuht Lüde üewer Bierg un Dahl

un hat ehr Hous gliek üeverall.““

¹ reut. ² Schnegel.